



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Bernardini Scardaeonii Patauini Presbyteri de Castitate Libri Septem**

**Scardeone, Bernardino**

**Venetiis, 1542**

Quo praestet interuallo coelibatus sacerdotum Latinorum matrimonio  
sacerdotum Graecorum cap. xiii

**urn:nbn:de:hbz:466:1-30433**

lidum: & ab equo generoso, ac robusto, segnem, & in-  
firmum: ita etiam de gente, & de regione pari iure cen-  
sendum. His uolui me reconciliare Græcis, quum mea  
natura sit, nolle mihi quempiam inensum esse, nec iras-  
tum ullo pacto. Sed iam ad institutum reuertar meum:  
& expediam, quæ ex proposito mihi restant ducenda.

Quo præstet interuallo cœlibatus sacerdotum  
Latinorum matrimonio sacerdotum Græ-  
corum. Cap. XIII.

**S**atis mihi constare posse uidetur ex his, quæ dicta  
sunt, Latinorum traditionem de castitate sacerdo-  
tum multo digniorem, atque perfectiorem esse,  
quàm licentiam nuptiarum Græcorum, reliquum est ut ui-  
deamus etiam ultra modo traditio Deo uideatur acce-  
ptior: quod quidem ex fortuna, atque ex fœlicitate utrius-  
que ecclesiæ facile puto posse dignosci. Videmus enim  
(si cōferendum exemplum est) uniuersam fœlicitatem  
imperii iam quæ; (si Deo placet) & literarum, atque omnem  
scientiarum peritiam, una cum uero ritu religionis ad  
Latinos fuisse translata: ut ipsi sanè Græcorum papæ  
cum suis nuptiis sordidi, atque contempti degant, miser-  
rima egestate depressi iam quæ; & imperii cōtra naturam  
gentis, & quod miserabilius est, impis superstitionibus,  
& infidelibus regibus seruentes. At qui Latini suo cœ-  
libatu, & si multi reperiantur incontinentes, tamen in bo-  
norum gratiam summe eruditi, summe quæ; illustres, ac re-  
uerendi ubique locorum sunt. Componantur quæso mo-  
do in quouis genere laudis utriusque populi, cedit profes-  
sio Græciæ, nec ultra, quantumuis uana, audebit Latio  
se conferre, ne dum præponere, ut fecit aliquando: quo-  
niam nihil ferè extat citra sexcentos ferè annos à Gre-  
cis Græciæ, & in Græciâ scriptum, quod patienter legas.  
Porro Latinis nostris cœlibatus sui sterilitas, ex spiritali

DE CONIV. ET CONTI. SACER.

semine, nouas, & largas fruges uirorum illustrium in  
 utraq; lingua quotidie affert: at Græcis contra suarum  
 nuptiarum fœcunditas, ex carnali satiatione, non nisi lolium  
 triste parit, auenas steriles, tribulos, herbasq; nocentes:  
 nihil degenerante à sua semente fructu. Sic enim scriptum  
 est. Qui seminat in carne de carne metit corruptionem.  
 Possit hoc planè loco id, quod de Synagoga Hebræo-  
 rum communiter interpretatur, recte ad ecclesiam Græ-  
 corum transferri: ut iam uere & de ea dicatur. Quæ  
 multos habuit filios infirmata est: & sterilis peperit plu-  
 rimos. Item illud Esaiæ prophetæ. Letare sterilis, quæ  
 non parit, erumpe, & exulta, quæ non parturit, quon-  
 iam plures filii desertæ, quàm eius quæ habet uirum.  
 Per belle etiam utraq; ecclesia (quoniam ex eo diuisa  
 est, & suis legibus utitur) præfiguratur per Lyam, & Ra-  
 chelem ambas Jacob uxores: quarum altera quidem  
 deformis, sed fœcunda, licentiam nuptiarum indicat  
 Græcorum: altera uero pulchra, magisq; amabilis, quæ  
 diu sterilis habita est, Latinorum castitatem præfigurat.  
 Fuit siquidem ecclesia Latinorum aliquandiu sterilis iu-  
 dicata, quod nihil carnaliter genuisset, attamen spiritua-  
 liter in fine cognoscetur esse fœcundissima. Nec ab  
 his longe diuersum est, quod de uxore, & ancilla Ha-  
 brahæ legimus, Sara scilicet & Agar. Per Saram, S. R.  
 Ecclesia intelligi potest, quæ & ipsa sterilis dicta est, sed  
 denique Isaac in libertatem genuit, qui gaudium, & iu-  
 sus interpretatur. Per Agar autem intelligere possumus  
 ecclesiam Græcorum, quæ secundum carnem parit sibi  
 Hirmaelem in seruitute generans. Liberum sane est sar-  
 cerdotium Latinorum, quod gaudium parit, & risum:  
 quoniam extra carnis molestias uni sese Deo totum im-  
 pendit: seruire uero sacerdotium Græcorum: quod quum  
 sint ipsi & uxoribus, & liberis addicti, in Dei opus, non  
 nisi negligenter intendere ualeant. Nos ergo (ut inquit  
 Paulus) non sumus ancillæ filii, sed liberæ. Itidem

quoque uidetur præsignasse geminus partus Rachel  
 lis: primo enim partu parit Iosephum, qui ab iisdem Gal. 4  
 fratribus, à quibus uenditus est, fuit postmodum humili-  
 liter adoratus: secundo uero partu peperit Benjaminum  
 cui & Benoni nomen fuerat, quod est interpretatum  
 filius doloris. Iosephus ergo qui interpretatur augmen-  
 tum, generationem spiritualem significat, S. R. ecclesie:  
 Benjaminus uero qui post gentis est, generationem Gen. 45  
 carnalem ostendit Græcorum, quo partu Rachelis ob  
 Gen. 30  
 difficultatem pariendi moritur. Id quoque protendere  
 recte potest imminentem totius ecclesie uastationem:  
 quæ propter eiusmodi carnalem generationem sacer-  
 dotum, haud multum procul ab interitu esse uidetur.  
 Rachelis igitur, id est ecclesia Christi, ut partu primo  
 spiritali aucta, atque exaltata est, ita altero partu, si eue-  
 Gen. 35  
 niat, ut secundo pariat (quod faxit Deus ut non contin-  
 gat) morietur. Mens quidem prælagit hic nescio quid  
 triste ob id ecclesie proceribus imminere, quod omen  
 Deus auertat: malitq; malos corrigi gratia benignitatis  
 suæ, q̄ iusto iræ suæ iudicio flagellari.

De Pii secundi pont. max. dicto: quodq; male sen-

serit Gratianus de connubio sacerdot-

tum. Cap. XIII.

**S**fficere iam sanè poterant quæ diximus hæc  
 nus ad probandum quod de sacerdotum casti-  
 tate sentimus: quomodo scilicet in ecclesia catho-  
 lica, & Romana, ab honestis, & probis sacerdotibus  
 sit semper seruata continentia: sed quoniam ma-  
 gna auctoritas quorundam officere huic causæ, &  
 dictis nostris obstare uidetur: qua multi sæpe falsi-  
 tuntur, uisum est expedire, ut huic quoque peris-  
 culo, quibus possumus præsidis succurramus.